

欽定剿平三省邪匪方略

欽定剿平三省邪匪方略正編卷三百二十四

壬戌年

六月二十六日

乙丑

額勒登保奏言

臣

接據探報

苟逆股匪由川塘河折向東遁已過洵河向六

里溝竄紗羅障甲子溝一帶係孝義之路

臣一

面飭令遊擊李東宣等星速追剿一面知會楊

遇春由江口馳赴高關夾嶺一帶緊顧西面截

擊

臣

卽由月河馳赴兩河截剿該匪聞風竄上

秦嶺向甘溝西溝峽遁去

臣

卽由兩河趕赴孝

義之紅廟河羅家坪等處以備截殺旋據楊遇

春報稱十六日帶兵由夾嶺進剿適遊擊李東

宜等於馬鞍橋老林追及賊匪該匪抗拒片時

由三塢子紛紛潰竄該將弁兵勇等併力追逐

沿途殺賊十餘名生擒李大才等八名賊匪復

竄至桃園子楊遇春聞信帶同侍衛噶拉等連

夜覓路乘月色進剿三更後趕至該處直前剿  
殺賊匪驚竄竭力追殺斬獲二十餘人並有殺  
惡賊匪於林箐溝坎之內潛匿黑暗中截傷弁  
兵數人黎明時遊擊李東宣等亦帶兵趕到復  
令該將弁等循蹤追殺於薄暮時趕至南石槽  
殲斃賊匪十餘名等情現在該匪尙在石砭峪  
腦隴窩老林分屯潛匿該處山高箐密險阻倍

常

臣

現率侍衛傳陞全德副將張廷楷等帶領

馬步官兵於東面之黑窑溝扼要堵截派令遊

擊林向榮帶兵於秦嶺之鐵廟子設營攔剿並

令副將王兆慶等徒步入林搜捕楊遇春仍帶

同遊擊李東宜等由西面之紅草河而進其南

面之韭菜灘等處已派令副將應元寬等帶兵

進剿其北面各峪口又有團勇多人分路防堵

刻下四面有兵諒該匪難以遠遁卽當乘其力  
竭勢孤之際併力剿洗至總兵李應貴所剿之  
張二張三賊匪二百餘人現入太平峪老林內  
因零星逃匿尙未撲滅扎克塔爾楊芳等所剿  
靳士黃陳文海賊匪前聞已竄至月亮坪黃栢  
園一帶臣前經札知慶成卽帶兵由華陽一帶  
協力剿辦現在棧西已將肅清慶成自卽可帶

兵趕到再

臣

接到德楞泰來信並穆克登布稟

報知樊曾二逆均經過至河內淹斃該股已掃

蕩無遺穆克登布所派之叅將閻俊烈將王國

賢股匪痛加剿殺並殲獲樊人傑之弟樊人禮

等首逆王國賢亦經受傷淹斃查閻俊烈平素

帶兵本極出力昨經

臣懇

恩陞補西安城守營叅將仰荷

允准茲該員帶領兵勇不過三百人乘夜過河斬獲  
賊匪四五百人之衆其勇往出力之處自邀

聖慈洞鑒又據穆克登布稟報因恐川楚零匪乘間  
闖入陝境派令叅將桑漢帶兵由漳河坪探剿  
該叅將於五月二十七日途次子坪山下大雨  
如注河水陡漲該叅將首先策馬過河水勢汹  
湧將騎馬衝倒桑漢隨波漂沒屍身未獲等語



臣查桑漢出師有年素極得力茲因探剿賊匪  
被山水淹斃實堪憫惻可否請

旨准照陣亡例賜卹之處出自

天恩又據防守西鄉中壩之原任總兵楊奎猷等稟  
報本月初間有川境剿潰賊匪數十人竄至通  
江西鄉交界之營池埡屯聚該員會同副將王  
福帶兵進勦殺斃二十餘人滾崖跌斃五名生

擒男婦十一名口餘匪二十餘人向巴州地界  
奔竄已離營卡二百餘里仍回防堵又據通判  
雒昂稟報率領寨民在盤屋縣之吉浚溝地方  
殲獲零匪數名臣均飭將獲犯錄供呈送核辦  
仍嚴防邊界毋稍疎虞再德楞泰一路出力兵  
勇不少去冬荷蒙

天恩賞撥淮餉十萬兩俾作賞需現仍存貯漢中

臣

已先後飭知漢中局員共撥銀七千兩解送德  
楞泰軍營以資犒賞奏入

上命軍機大臣傳諭額勒登保曰此次苟逆股匪由  
川塘河折向東遁經楊遇春分派將弁徒步跟追  
額勒登保親率官兵抄擊節次俱有斬獲額勒登  
保等冒暑進兵無分晝夜趕緊兜剿可謂不遺餘  
力朕心深爲屢注當此盛暑歊蒸額勒登保及合

營將弁兵勇於勇往殺賊之中仍當畧爲休息辦理教匪已及七年現當功屆垂成之際盼望歲事捷音愈速愈妙然亦不可過於急迫致辦理稍有草率總須將南山竄匪殄除淨盡務絕根株爲一勞永逸之計現在苟逆窮蹙自知萬無生理竄入秦嶺輾轉潛藏冀延殘喘陝西老林向稱阻塞而秦嶺尤爲險峻昨朕面前長麟該處情形業經洞

悉雖據稱山高箐密官兵未能深入搜捕但既經  
額勒登保於四面各要隘峪口分飭將領設伏嚴  
防諒苟逆斷難潛逃漏網自可卽乘其力竭勢孤  
之際併力剿洗迅速掃除能於七月二十日以前  
捷報至京更爲全善額勒登保並當於各營將弁  
遍事諏咨令將如何設法擒捕苟逆之處各抒所  
見以期集思廣益如能將苟逆生擒或係官弁或

係兵勇額勒登保居心公正自不肯沒人之善卽  
一面遵照前降諭旨從優陞賞一面將姓名據實  
奏聞無論官弁兵勇之功皆額勒登保調度有方  
朕更當加恩懋賞一俟擒獲苟逆將該犯嚴訊明  
確錄供進呈一面卽於該處凌遲處死傳首示衆  
以彰國憲而快人心至其餘夥匪如張二張三等  
亦當按名擒獲照前旨酌加獎賞並將全夥悉數

掃除不可僅以擒拏苟逆卽爲了事如日內已將  
苟逆生擒額勒登保亦當在彼稍爲停待俟將張  
逆等以次殲除南山漸就肅清方可移師他往至  
楊遇春於南山路逕最爲熟悉自應令其在彼一  
手辦竣昨又有旨令惠齡仍回滂峪駐防伊二人  
一係總督一係提督搜捕零匪之事自己足資辦  
理額勒登保屆時酌量情形如楚省之賊尙未辦

淨額勒登保卽赴平利紫陽一帶扼要防堵令穆克登布前赴楚省幫同德楞泰協剿戡定全局方爲妥善又另片奏酌撥賞需銀七千兩解送德楞泰軍營犒賞出力兵勇一節殊堪嘉尚額勒登保帶兵本係專剿陝省賊匪今探聞德楞泰於楚境殲除首逆樊人傑曾芝秀等犯大獲勝仗卽不分畛域飭知陝省局員先後撥銀七千兩解交德楞



奏分賞各營出力兵丁額勒登保不獨無忌功之  
念且酌分賞項獎勵成勞足見爲國公忠深得大  
臣之體額勒登保如此居心必蒙

上天垂佑迭奏膚功尅日苟逆就擒廓清陝境酬庸晉  
爵益懋殊勲朕惟計日以待捷音之至勉之望之  
所有此次探剿賊匪策馬過河被水衝斃之叅將  
桑漢著加恩照陣亡例賜卹

同日

上諭內閣曰德楞泰奏首逆王國賢經遊擊閻俊烈  
逼剿落水請將該員賞給叅將銜遇缺卽補當卽  
照所請降旨加恩又據額勒登保奏稱閻俊烈業  
於五月內奏請陞補陝西西安城守營叅將此次  
該員剿賊立功係在已陞叅將之後自應另予恩  
獎閻俊烈著加恩賞給副將銜以示鼓勵

二十九日

戊辰

吳熊光奏言據探報蒲添寶一股

自敗竄鮑家山後畏避官兵躡剿不敢肆竄因

鮑家山勢極險峻老林叢密該匪將沿山道路

逐節挖斷聚聚於最險處所憑高嶠守副都統

色爾滾總兵蒲尙佐從老林中另開路徑繞赴

賊營之上叅贊德楞泰率同賽冲阿溫春長齡

馬瑜趕由博磨坪向東前進十九日官兵進至

連三坪併力圍攻色爾滾蒲尙佐帶兵出其不  
意向下直壓藏擒甚多滾崖跌斃者不計其數  
該匪所存無幾旦夕即可掃蕩想德楞額奏自必  
卽行具奏又總兵李天林在興山板橋壩搜剿  
遇有零匪二百餘人在山下尋覓糧食該鎮帶  
同將弁兵勇自上壓剿該匪卽棄械翻山奔竄  
兵勇奮力追趕至道士塘地方直前截殺生擒

四名殲斃十餘名滾崖帶傷者數十名餘匪向水桶溝崔家山等處紛逃訊據獲賊黎永陞供稱此股係白號零匪共有八九百人四月內由四川竄來在老林藏匿今日分出二三百人在此搜糧等語並令該犯於殲斃各賊內認出偽先鋒鄭姓屍身該鎮已割取首級并所獲活賊解赴叅贊德楞泰營盤審辦該鎮現因南漳邊

界有山東湖竄入零匪一股經德楞泰派令就  
近往剿其興歸等處未淨殘匪有總兵吉林泰  
所帶兵勇自九道梁一路搜捕足資剿辦至竹  
谿境內王國賢及黃號餘匪經總兵孫清元德  
昌及遊擊關俊烈分投擊剿該匪等一由香溪  
向家壩奔逸一由雞心嶺逸入川境據探入川  
之賊川省大寧已有防兵接剿其境內殘匪

臣

業飭該鎮等務窮所向趕緊殲除又房縣屬之  
白玉碕地方十七日有零匪三百餘人竄至經  
派防馬家溝之副將烏爾卿額派兵搜剿殲斃  
二十餘名餘匪四散逃竄二十一日上達河一  
帶又有零匪二百餘人由老林竄出滋擾經防  
守仙家坪之都司胡宗典移兵迎擊該匪北竄  
陳家鋪一帶臣查都司胡宗典一路官兵係儘

楞泰派駐仙家坪以絕蒲添寶北遁之路現在  
蒲逆經官兵圍剿窮蹙正在得手之際未可令  
該都司分兵他顧致該逆乘間遁逃是以臣一

面飭胡宗典帶領原兵仍回仙家坪扼堵一面

派副將蔣觀濤樊雄楚等酌帶兵勇至陳家鋪

一路截擊

臣

查楚省現有賊匪除蒲添寶而外

其餘零股或數百人一起或百餘人一起人數



雖屬無多皆係真正矛手指日德楞泰將蒲添  
寶一股辦竣則兵氣愈壯兵力益充以之分投  
剿辦自必易於掃除臣惟有與德楞泰同心併  
力鼓勵各路鎮將上緊搜捕以冀早晚廓清仰  
紓

聖慈宵旰再隨征滿兵需用勁弓戰箭局中所存備  
者多係緣營匠人製造往往不適滿兵之用臣

與德楞泰相商知荊州滿營所造弓箭從前會  
經調用俱能合式已移咨荊州將軍積拉堪於  
滿營額貯弓箭內調取應用一面將應需工價  
撥給補造其例價不敷亦飭司籌款增給免致  
駐防兵丁賠累再臣查巴東一路設有分防兵  
勇當此賊勢日蹙不特在川省易於剿捕卽令  
逸入楚疆亦可聚而殲洗毋庸以數千兵勇徒

然曰糜口糧且鄉勇一項必須於官兵未撤以前撤出安置庶將來不致周章

臣

昨至獅子崖

以此意與總楞泰相商彼此意見相合除在卡兵丁各歸各營外其各卡鄉勇現飭率領駐守巴東之知府尹英圖次第撤出酌加獎賞交原帶之首領頭人分起管帶回籍查該鄉勇等係尹英圖由施南召募前來皆係施屬民人今該

員已蒙

恩陞授施南府知府將來撤防後卽飭該府前赴新

任責成就近安頓管束自能妥協又

臣

接經畧

額勒登保來信擬將在陝之湖北湖南兵撤至

平利一俟苟逆就獲卽令楚省兵丁迅速回楚

等語

臣

查前奉

諭旨俟在陝之湖北湖南官兵回楚卽將在楚之河

南兵撤回豫省自當欽遵辦理又山東雲貴兵丁  
俱係元年調出爲日既久且雲貴程途較遠當  
一併先撤回營以示體卹並得稍節糜費其兩  
廣兵丁俟大局將定再行陸續撤回庶協剿仍  
屬有備而途次亦免擁擠至於分竄零股及剿  
敗餘匪三五成羣蹤跡飄忽不值以大兵跟剿  
上年欽奉

上諭令督撫等董飭各州縣多派鄉勇嚴密查拏

臣

當卽會同撫臣全保飭令荆宜襄鄖各道府分  
派委員於四鄉各寨團集寨勇並出示激勸令  
其協同官兵剿捕本年二月內與山縣珍珠寨  
首領趙傑率衆禦賊會蒙

聖恩優加賞資各寨民人無不觀感思奮惟是各寨  
大小貧富不齊而賊匪分投奔竄設離寨數十

里前股方去後股復來寨中執業貧民勢難責  
其常時舍業裹糧往捕又如分派委員試用候  
補者居多並無本任廉俸可支令其自備資斧  
往來查辦亦有所難昨經德楞泰述及川省寨  
勇出寨剿賊俱官給口糧其殲獲賊匪者分別  
賞以銀兩委派各員均有月費以資辦公凡此  
等費用皆於津貼銀內開銷

臣

查湖北向無津

貼一欸若概於軍需項下動支又無此例

臣現

飭道府妥議將萬不可少之經費核實支給以冀寨勇益加整齊可助兵力之所不及其需用

銀兩

臣

與德楞泰長齡再四熟商以所裁月給

巴東鄉勇之費酌量撥給尚屬有盈無絀再樊人傑等屍身打撈未得伏查樊人傑之入河淹斃在場兵勇皆所目擊又有該逆之妻王氏活



供可據已無疑義王國賢之帶傷撲水追趕兵  
勇亦所共見當時被水衝沒料無生理至曾芝  
秀一犯雖據獲賊供稱該逆落水後衝至淺灘  
復扒越上岸但兩旬以來經臣與德楞泰派員

四路踴拏並無蹤影獲犯所供亦未足憑信現  
在遠近民人俱知樊曾王三首逆同時殲斃歡  
聲載道兵勇等勇氣倍增似此事機順利實足

喪賊膽而息浮言可慰

聖明屢注奏入

上命軍機大臣傳諭吳熊光曰蒲逆股匪前經德楞  
泰督兵追剿該逆敗竄鮑家山後畏避官兵將沿  
山道路逐節挖斷憑險峒守經色爾滾蒲尙佐從  
老林中別開路徑繞赴賊營之上向下直壓實屬  
盡力適德楞泰亦督兵趕至併力圍攻殲擒甚衆

此外滾崖跌斃不計其數該匪現在所存無幾且  
夕即可掃蕩淨盡至南路興巴一帶有四川竄來  
白號零匪八九百人經總兵李天林搜剿房縣白  
玉碕地方有零匪三百餘人竄至亦經烏爾卿額  
派兵搜剿均有斬獲上達河地方又有零匪二百  
餘人竄至滋擾經防守仙家坪之都司胡宗典移  
兵迎擊北竄陳家鋪一帶吳熊光以胡宗典係德

楞泰派駐仙家坪扼堵蒲逆北遁之路未便分兵  
他顧已另派將領帶兵至陳家舖截擊飭令胡宗  
典仍駐原處防堵所辦甚是此等零星竄匪皆係  
敗殘餘孽易於搜捕卽日蒲逆等股剿淨後德楞  
泰自必移兵搜剿定可一律肅清吳熊光所奏與  
德楞泰同心併力鼓勵各路鎮將上緊搜捕此語  
最是現在楚省所剩零星匪無多剿捕正當得手吳

熊光惟當將糧運妥爲辦理務令源源接濟不致稍有缺乏俾得速成大功同膺懋賞又摺內稱隨征滿兵需用勁弓戰箭已移咨荊州將軍積拉堪於滿營額貯弓箭內調取應用所辦亦好至所奏樊會王三逆現在遠近民人俱知其同時殲斃歡聲載道等語樊人傑等三首逆落水淹斃該處民人既已遠近周知並無浮議卽不必再事搜求轉

滋外間疑惑又據奏酌撤分防兵勇一摺鄉勇一  
項朕意必應於官兵未撤之前先行裁撤藉官兵  
之勢在彼彈壓庶可不致周章昨已降旨令經畧  
叅贊會同各該省督撫悉心詳議辦理吳熊光尤  
當審思熟慮妥為經理務俾日久寧貼此爲最要  
至所云撤出之餉酌加獎賞一節所見極是朕前  
旨已諭及此係第一辦法然亦不可過厚又開冀

幸之漸總宜量其功績分別示勸其酌撤鄉勇事  
宜責成知府尹革圖經理所辦亦是尹英圖在湖  
北辦理堵禦事宜最爲出力朕所素悉此項鄉勇  
本係尹英圖由施南召募前來今該員已補授施  
南府知府卽責成該員就近管束自然妥協至所  
稱應撤各兵內請付雲貴遠省之兵先行撤回其  
餘俟大局定後陸續再撤等語著卽照吳熊光所

議辦理總之撤兵一事較之撤勇爲易卽稍爲停  
待陸續撤完亦無不可又所奏各寨勇等搜剿零  
匪向無口糧經費請分爲立議核實支給等語湖  
北地方向無津貼一項朕亦素知此等費用無出  
自係實情今當追剿零匪之時旣資各寨勇分段  
搜捕以助兵力之所不及自不能不給與費用現  
在吳熊光籌款撥給惟須核實辦理不致浮冒將



來卽准其作正開銷

欽定剿平三省鄂匪方略正編卷三百二十五

壬戌年

七月初三日

辛未

勒保奏言查近日川北一帶已

經肅清惟雲開梁萬等處山內尙有未淨餘孽

而大寧巫山邊界亦有楚省剿散零星匪游奕

臣

駐紮夔州一面分兵嚴防楚界一面督催各鎮

將肅清川境十七日據探報青藍黃白各號剿

散餘匪六七股合成一股約有四百餘人由界

嶺竄來已至雲陽奉節大寧三縣交界之小神

堂一帶滋擾並探有賊首劉潮選在內

臣

查劉

潮選一犯係白號著名要逆前經官兵剿散潛匿日久屢奉

諭旨查詢總未得實在消息今既探有蹤跡必須多方設法一鼓殲擒斷不可又被遁逸查逆擊羅思舉原任副將褚大榮兩路官兵正在雲開一

帶搜剿餘匪

臣

因就近飛調羅思舉帶領兵勇

由大寧所屬之仙女溪一路抄截又調褚大榮

帶領兵勇由雲陽所屬之沙沱子一路抄截尙

恐山路多歧不敷圍捕

臣

復於夔州防兵內挑

選五百名親帶前往策應並傳知辦理團練各

委員策勵團勇四路堵截十九日寅刻褚大榮

一路兵勇行抵大埡口探得該匪尙在小神堂

褚大榮卽帶領兵勇衝殺立斃賊二三十名生擒僞總兵張申並戰手三十七名仍帶兵緊躡賊蹤前進計追殺七八十里沿途殲擒落後賊匪三十四名該匪亡命向仙女溪一路竄去正遇羅思舉一路官兵迎頭相值立時殺斃賊匪八九十名生擒八十六名所獲賊匪內有黃號掌櫃伍金元一名係襄陽老教伍金柱之弟新

從楚省剿散入川劉朝選與之合夥查訊劉潮  
選蹤跡據稱已帶領殘匪一百餘人向大寧一  
帶老林竄去臣聞信後卽飛飭褚大榮帶兵由  
筲箕灣鹿塘溪一帶繞道抄截羅思舉帶兵由  
茅領三清廟一帶躡尾緊追臣督率官兵在寶  
塔一帶顧住該匪東竄之路該逆聞三面皆有  
官兵卽折回鞋底山老林褚大榮知賊匪折回

卽帶兵抄出老鶯崖兜擊二十三日賊匪正在  
鞋底山藏匿官兵相距二十餘里查探該處山  
勢陡險只有羊腸小路騾馬不能行走褚大榮  
將兵勇暫歇俟至四更月上後率領兵勇攀藤  
附葛步行前進五更行抵該境見賊匪七八十  
人在坎下散紮另有二三十人在坎上棚內藏  
身褚大榮計首逆必在棚內當將軍功官兵鄉

勇等分作三路以兩路抄擊坎下之賊褚大榮  
親帶一路直向山碕圍捕把總楊裕額外委  
何貴首先衝入立時殺斃十餘人餘匪奪路衝  
出兵勇奮力擒殺又斃十餘人尙有五人向陡  
坡滾落俱被坎下兵勇生擒內有穿藍綢衫一  
賊係軍功羅剛鄉勇劉開相擒住衆賊指稱卽  
係劉潮選該逆亦自認不諱當時碕內之賊擒



殺淨盡其坎下所紮賊匪七八十人亦經盡數

殲擒並無一名漏網所殺斃賊匪內查有吳清

源一名衆賊指稱係白號總兵褚大榮當將劉

潮選并先後所擒活賊親身解送

臣營臣

當令

在營眼目湯思爵王大美等識認均稱實係劉

潮選卽劉潮選一見湯思爵等亦均各相識

臣

向該逆詳加研訊據供我係東鄉人嘉慶元年

與王三槐冷添祿一同在豐城起事連年在川  
陝楚三省奔竄與官兵打仗不記次數去年七  
月間與湯思蛟從老林竄去又裏脅了好些人  
後有官兵追來我同湯思蛟由太平竄過陝西  
又回四川因官兵追得緊我在關口坪分營走  
了臘月在南壩場被官兵打散我帶了十二個  
人逃脫近日與湖北黃號伍金元合夥又湊合

藍青白各號打散的人共有四百多名想要竄  
出山去不想連日打仗被官兵殺的掣的頗多  
伍金元也被掣去剩了一百一二十人逃到鞋  
底山老林藏躲我帶二三十人在洞內歇息夜  
間有官兵前來卽被掣住吳清源也被官兵殺  
了至湯思蛟不知何往我與宋國品亦曾合過  
夥被官兵打散亦不知下落等語所供先後情

節歷歷如繪毫無疑義

臣

審明後即將該逆獲

割示衆仍傳首東鄉於該逆起事地方懸示以

彰

國憲而快人心至此打仗先後共擒獲賊匪一

百五十七名內伍金元係伍金柱之弟張申係

青號偽總兵又關支秦國洪皆係黃號偽先鋒

一并凌遲處死又戰手趙思德等六十四名從

逆日久概行正法其餘男婦八十九名口訊係  
脅從之人遞籍省釋至此大官兵鄉勇追剿賊  
匪輾轉跟蹤五晝夜設法抄擊將賊匪全數掃  
除並將首逆生擒實屬不遺餘力

臣

謹卽提銀

一千兩查明出力兵勇分別賞給其首先衝入  
山砦之把總楊裕額外外委何貴及擒獲劉逆  
之軍功羅剛鄉勇劉開相等四員名應懇

聖恩賞戴藍翎以示鼓勵其已革副將褚大榮自隨  
征効力以來頗知愧奮此次允屬出力可否

施恩量加錄用至川省餘匪此次七股湊成一股且  
有湖北新近竄來賊匪在內通共不過四百餘  
人可見遺孽實已無幾所有著名首逆未獲者  
只剩湯思蛟一犯不知存亡下落其餘零匪亦  
並無整百成股者所餘或數十人爲一起或一

二十人爲一起甚至數人亦爲一起愈剿愈散  
但必須逐一搜捕淨盡不留遺孽方爲一勞永  
逸之計現在達斯呼爾岱羅聲阜等在東開一  
路搜剿叅將傅廷佐遊擊王泰等在梁山萬縣  
大竹鄰水一帶分路搜剿羅思舉褚大榮已移  
兵至雲陽及大寧太平老林內分投搜剿其川  
北一路雖已肅清但陝省尙有苟逆一股未除

所有田朝貴許文謨等所帶之兵應仍留川北

防堵

臣

現回夔州駐劄就近督辦嚴飭各鎮將

并傳諭地方官及各國練務令限於七月內一

併搜捕肅清奏入

上命軍機大臣傳諭勒保曰劉潮選係白號著名首  
逆潛匿日久前據達勒精阿等稟報臨陣殲斃經  
勒保查明並非該逆此次勒保探聞黃白青藍各



號餘匪湊集共有四百餘人在雲陽奉節大寧三縣交界地方滋擾有賊首劉潮選在內遂飛調羅思舉褚大榮等帶兵探剿勒保復將夔州防兵挑選五百餘名親帶策應跟蹤追擊多有斬獲該逆帶領殘匪在大寧一帶老林竄去羅思舉褚大榮復分投緊躡勒保在寶塔一帶遏賊東竄之路督率兵勇奮力搜捕將劉潮選立時擒獲皆由勒保

調度得宜俾積年巨惡不致稽誅黃白青藍四號  
餘匪殲除殆盡辦理甚屬可嘉勒保著加恩晉封  
一等男並賞給碧玉帶鉤一個黃辮大荷包一對  
小荷包四個原任副將褚大榮前因失察伊弟褚  
大貴私買民婦案內叅革其獲咎尙有可原今據  
奏此次探剿賊匪窮追五晝夜將積年著名首逆  
生擒實屬奮勇褚大榮著加恩以叅將用遇缺卽

補遊擊羅思舉著交部議敘其首先衝入山洞之  
把總楊裕額外外委何貴生擒劉逆之軍功羅剛  
鄉勇劉開相均著賞戴藍翎其羅剛劉開相二名  
勒保自己賞給銀兩此旨到日著傳旨再行酌量  
加賞又發去玉搬指十個花磁鼻烟壺十個花磁  
搬指套十個著分賞此次出力員弁又一兩重銀  
牌一百面著分賞此次出力兵勇以示獎勵至摺

內所稱嚴飭各鎮將並傳諭地方官及各團練限  
於七月內將所有零匪一併搜捕肅清等語所辦  
甚是勒保現回夔州駐紮務當督飭各路鎮將等  
上緊搜剿淨盡以符七月之限毋許再有稽延仍  
遵前旨先將英勇妥爲裁撤再將各省所調官兵  
以次撤回統俟全境肅清奏報到時另加懋賞至  
四川境內雖無大股之賊但如摺內所稱或數十

人爲一起或一二十人及數人爲一起此等散竄  
之賊其人數固屬有限若起數尙多則合算亦復  
不少著勒保查明此等散竄之賊究有若干起合  
計人數共有幾何迅速奏其湯思蛟一犯仍著  
留心蹤跡不可任其漏網爲要

初五日

癸酉

德楞泰奏

奏言竊

前因蒲添寶與山

內兩起賊匪合夥市聚於興房交界之鮑家山

恃險設卡抗拒當以兵力稍單囑令色爾滾  
尙佐等持以慎重相機籌剿

臣

分派妥幹兵勇

四出採踏地勢連日探報鮑家山周圍數百里  
密箐深林四面懸巖偏橋極多半山之中有平  
壩十餘里原係古寨百姓蓋房居住開懇山地  
包穀雜糧極多賊匪從未經過之區雖有碉寨  
不甚堅固以致被賊匪攻搶者數處其入鮑家

山大路兩條約長八九十里偏橋全行折毀馬  
匹萬不能前進其有採藥小路盡皆挖斷亦有  
賊匪防範並稱該處原有兩股賊匪數百人先  
已屯踞其上蒲逆賊股剿殘之後所剩六七百  
人馬匹皆無又已與之合夥恃衆依險毫無畏  
懼等情又據色爾滾等前後來信探得有小菓  
子園大菓子園迷人塙連三塙有採藥僻徑一

條均係老箐荆棘塞道若砍開挖修順山梁過連三垭口下有陡巖兩層高三四丈不等過此由老林內下行三四里卽達賊屯之處惟由此進取庶可攻其不備直搗賊巢旋即移至大菓子園又恐賊匪知覺一面派遊擊曾壽帶兵仍在大路牽綴作爲進剿之勢自十九日起派兵挖修二十二日始至連三垭口前途尙有三四



十里方抵賊巢色爾滾蒲尙佐馬元張應貴等  
籌商道路窄小鍋帳不能馱帶必須安紮後營  
又恐賊由牛欄頭竄出商令營總珠山遊擊賀  
廷印帶兵一百五十名在於牛欄頭扼據多堅  
旗號虛張聲勢並傳諭附近碉寨預備鎗礮以  
助軍威色爾滾蒲尙佐等是日挑帶滿漢步兵  
一千餘名乘月色步行而進直至連三垭口前

途盡係箐林難行之極有總管富登阿叅將張  
應貴賞戴花翎守備史定川同守備周志林張  
萬林帶奮勇兵四百名開道先行及近賊巢三  
四里有巖坎兩道高二四丈令兵勇等各取葛  
藤爲繩繫於樹上縋繩而下藤斷跌傷滿漢兵  
勇數名色爾滾蒲尙佐等陸續下巖時已午刻  
富登阿張應貴史定川等已將鮑家山老林內

之山包佔據賊匪毫不知覺及兵勇配齊出林  
蒲尙佐叅將沈洪守備李榮陞帶兵勇由左手  
前進副將馬元遊擊虎正林等由右手截剿色  
爾滾總管富登阿協領德寧阿防禦扎呼岱遊  
擊楊登魁都司沈彪帶吉林索倫及綠營兵勇  
直前進剿一齊吶喊衝入賊巢賊衆約有一千  
五六百人登時紛紛慌亂前逃隨卽痛加殄戮

立斃賊二百餘名生擒何三忠等一百八十一  
名因賊匪自將各處山路挖斷偏橋拆毀奔潰  
至此無路前逃撲巖跌下深溝者卽有二百餘  
名我兵亦有滾巖者數名至餘匪盡皆四散鑽  
林越箐我兵分投追剿因林深箐密賊匪  
擁擠不開官兵趕前痛剿又共殺賊一百六七  
十名生擒楊添福等六十三名是晚卽於林中

露宿次日各帶兵勇搜獲散藏零匪彭士明等  
四十二名計連日共殺賊三百七十餘名生擒  
首逆妻子兄弟及各賊目男婦大小二百八十  
六名口滾巖跌死者二百餘名旋據探報三股  
台夥餘匪所剩七八百人仍遁入油榨溝老山  
之內該處仍可通鮑家山老林臣遂一面派令  
馬瑜富翰富儉德副將馬應國何君佐泰將馬

文斌挑帶步兵飛行前往協力掃除

臣

現與賽

冲阿長齡溫春帶馬兵在於老林外之烟墩垵

一帶扼截總期就地辦淨勿留遺孽至此大所

擒活賊男婦大小二百八十六名口首級耳記

共二百三十一副現均解到

臣

營當將各犯研

訊內有蒲添寶之胞弟蒲添朋蒲添寶之妻王

氏陳朝觀之次子陳宗恒之妻李氏先鋒井英

之妻何氏探馬旗首何三忠楊逢榜周茂盛熊  
定貴等並據供出磁窯少掌櫃陳宗顯卽陳朝  
觀之長子老教師冉文海卽冉文儔胞兄僞先  
鋒冉啟才等三名當將蒲添朋并賊目何三忠  
楊逢榜周茂盛熊定貴五名梟割其老賊並精  
壯戰手張明懷李正寬等一百九十二名一概  
正法其餘難民八十九名口給與路票回籍安

業其逆妻蒲王丘

限李氏并何氏係應緣坐之

犯送交隨營知

金之忠阿霖照例辦理此次

打仗有四川藍

外委王得勝一名陣亡應請

旨加恩賜卹再查前次冒雨趕剿樊曾賊股有廣西

右江鎮總兵德昌廣東提標中營叅將德興湖

北督標左營遊擊金洪嗣所帶湖南廣東廣西

三省兵丁內沿途因雨水連綿自行經回房縣



者竟至二百餘名實出情理之外嗣經臣同長

齡派令副將烏爾卿額前往查收又據烏爾卿

額報稱收回官兵內有湖南兵丁毛清郭朝先

蕭友貴湯貴雷名高陳上得黃勝貴鄧文光八

名廣東兵丁趙必陞吳得勝李英貴王國賢四

名廣西兵丁劉坤羅方二名中途落後又復回

房縣現已差弁查拏等情隨據解送到營臣查

該兵丁等怙惡不悛竟敢又復脫逃實屬目無法紀訊據供稱係湖南兵丁毛清廣東兵丁趙必陞廣西兵丁劉坤三人起意脫逃郭朝先等十一人聽從同行訊明後臣卽傳集合營官兵剴切曉諭將起意之兵丁毛清趙必陞劉坤三名立即正法並令懸首示衆其聽從之兵丁郭朝先等十一名均用重枷枷號示衆俟軍務告

竣再行發遣伊犁給額魯特爲奴至於該領兵  
員弁本應一併查叅但念帶兵之員屢經更調  
其湖北征兵積疲已久實非起於近時現已嚴  
飭德昌等妥爲管束訓導倘再有故違卽行一  
併查叅奏入

上命軍機大臣傳諭德楞泰曰蒲添寶與山內兩起  
賊匪合夥屯聚鮑家山恃險抗拒經色爾滾蒲尙

佐開挖路徑乘夜率兵步行前進兵勇等俱攀藤  
附葛而行賊匪猝不及防登時紛亂官兵痛加殲  
戮連日共殺賊三百七十餘名生擒首逆妻子兄  
弟各賊目男婦大小二百八十餘名滾巖跌死者  
二百餘名此次色爾滾蒲尙佐二人實可謂不遺  
餘力但所殲獲尙非緊要賊目多係該逆等妻媳  
而首逆蒲添寶帶領所剩夥匪尙在奔逃德楞泰

應卽催令色爾滾蒲尙佐乘此兵威勝勢益加鼂  
勉速將該逆首夥悉數擒拏一俟此股辦完德楞  
泰卽將伊二人及此外出力將弁據實保奏候朕  
優加恩獎其因絕籐而下跌傷之滿漢兵勇數名  
實堪憐憫著德楞泰查明如僅係跌傷卽照例酌  
加賞資倘因傷身故卽照陣亡例賜卹現在楚省  
賊匪爲數已屬無多况天氣漸次涼爽德楞泰應

督率各路鎮將趕緊剿辦以期迅就肅清再膺懋  
賞所有此次打仗陣亡之四川藍翎外委王得勝  
著咨部賜卹又據奏辦理逃兵一節湖南廣東廣  
西三省兵丁派出隨征當此剿賊喫緊之時竟敢  
因沿途雨水過大徑回房縣至二百餘名之多迨  
副將烏爾卿額前往收回仍由中途落後復回房  
縣者十餘人情殊可惡經德楞泰嚴拏審訊將爲

首之毛清等三名立即正法懸首示衆其聽從潛  
回之兵丁郭朝先等十一名均用重枷枷號候軍  
務告竣後發遣伊犁給額魯特爲奴所辦甚是至  
帶領三省官兵各員不能妥爲管束實有應得之  
咎所有廣西右江鎮總兵德昌廣東提標中營叅  
將德興湖北督標左營遊擊金洪嗣均著交部嚴  
加議處

同日惠齡奏言刻下楚省零匪距陝已遠且止  
在老林藏匿不敢肆行突竄即使潛入邊境穆  
克登布等儘可乘勢剿洗不慮蔓延現在苟逆  
尚未就擒南山北面峪口正關緊要

臣

欽遵

諭旨現回澇峪一帶駐紮防守頃據探報苟文明賊  
匪分股奔竄其西竄靳姓一股經團勇堵截折  
回太白山老林總兵楊芳帶兵搜剿其東竄苟



逆正股之賊奔至龔家灣經畧額勒登保督同  
楊遇春悉力追剿殲斃多人並將苟文明妻子  
親族等全數拏獲其潛匿留壩境內之張魏餘  
匪零星逃散有竄至甘境磨子溝零匪十二人  
經道員朱爾漢等搜拏淨盡又有零匪十一人  
南竄寧羌二郎壩桃園子等處現仍尋蹤嚴緝  
又川省零匪七八十人竄至通巴交界之營地

姪經革職總兵楊奎猷等帶兵截擊殲擒五十  
餘名餘匪仍折奔川省通江境內其秦嶺北面  
零匪連日通判雒昂在吉林溝殲擒賊匪二十  
餘人其餘盤鄂等縣印委各員各搜獲一二名  
至五六名不等現均訊取確供分別核辦再

臣

前因各股賊匪經官兵打散零星潛匿誠恐寨  
洞愚民不知輕重或貪財賄或畏迫脅暗自收

留以致巨惡漏網當經通飭各碉寨去後據穆克登布稟報守備柯連仲訪聞劉家灣三元寨寨長陳德潤收留王國寶股內偽總兵袁奉在寨養傷立派兵勇前往拏獲尙未到營等因

臣

卽批飭該鎮俟解犯到營嚴加審訊

臣

復飛飭

各屬再行嚴切傳諭各碉寨居民咸知凜畏毋

蹈覆轍奏入

上命軍機大臣傳諭惠齡曰刻下楚省均係零星匪衆  
經官兵痛加剿戮距陝已遠不虞其潛入茲據現  
有穆克登布帶兵在平利一帶足資防禦而陝境  
苟逆尙未就擒南山外峪口正關緊要惠齡自應  
遵照前旨馳赴該處督率堵剿設伏以待倘苟逆  
竄出老林卽可就地截擊迅速殲擒並嚴飭官兵  
寨勇加意防範不論何人擒獲苟逆卽奏明優加

獎賞至所奏、按據穆克登布稟報訪聞劉家灣寨  
長陳德潤收留王國賢股內偽總兵袁奉在寨養  
傷一節該犯解送到營卽嚴行審訊如袁奉果係  
陳德潤親友因傷病暫行收留或袁奉假裝鄉勇  
混入寨內而陳德潤竟爲其所騙尙有一綫可原  
若實係賊目陳德潤知情容留則罪在不赦該督  
訊明後自應同袁奉一併嚴辦示懲仍當曉示各

硃寨居民諭以官兵搜剿股匪原令保護閭閻賊  
匪早除一日爾等即可早獲寧帖一日自應同心  
協力幫助官兵遇賊卽行擒捕與不同仇豈有轉  
將零星剿剩殘匪私行藏匿之理現在陳德潤一  
犯經兵勇拏獲解營嚴辦爾等試思與其庇賊獲  
罪曷若隨同官兵奮勇殺賊立功並邀厚賞如此  
凱切曉諭伊等益當激發天良協拏餘匪此次惠

齡亦祇須將陳德潤審訊明確，卽照例辦理，毋庸  
向各寨過事，搜求轉致寨民等心存疑懼也。